

# ASESIAD A CHYNLLUN GWASTRAFF RHANBARTHOL DE-ORLLEWIN CYMRU

## CYFARFOD Y GRŴP TECHNEGOL RHANBARTHOL

Nodiadau'r cyfarfod a gynhaliwyd ar ddydd Gwener 13<sup>eg</sup> Awst 2004 am 10.00am  
Canolfan Ddinesig Penllergaer

### Yn bresennol

Howell Beaton (Cadeirydd)	CBS Castell-nedd Port Talbot
Ceri Morris	CBS Castell-nedd Port Talbot
Carol Williams	CS Penfro / APCAP
Steve Bool	Cyngor Bwrdeistref Sirol Pen-y-Bont
Graham Dorrington	Cyngor Sir Ceredigion
Nick Oakes	Cyngor Sir Ceredigion
Clifford Parish	Dinas a Sir Abertawe
Audrey Evans	Asiantaeth yr Amgylchedd (De-Orll. Cymru)
Neil Bateman	Cyngor Sir Caerfyrddin
Phil Williams	Cyngor Sir Caerfyrddin
Sue Martin	Llywodraeth Cynulliad Cymru
Philip Marks	CYLCH
Miranda Lewis	Asiantaeth yr Amgylchedd

### 1. Ymddiheuriadau

Geoff White	CBS Castell-nedd Port Talbot
Andy Rees	Llywodraeth Cynulliad Cymru
Ruth Brown	Awdurdod Parc Cenedlaethol Bannau Brycheiniog
Cathy O'Brien	Llywodraeth Cynulliad Cymru
Huw Jenkins	Cyngor Bwrdeistref Sirol Pen-y-Bont
Dave Harries	Cyngor Sir Penfro
Alison Thomas	Dinas a Sir Abertawe

### 2. Cofnodion cyfarfod y Grŵp Technegol ar 25<sup>ain</sup> Mehefin 2004

Cytunwyd eu bod yn gofnod cywir ac ni chodwyd unrhyw faterion.

### 3. Adendwm y CGRh:

- **Cynnydd yng ngwaith Asiantaeth yr Amgylchedd**

Dosbarthodd ML gyfres o fapiau i fynd gyda'r adroddiad Mapio GIS ac aeth yn ei blaen i ddarparu crynodeb o'r prif bwyntiau.

Dilynwyd gan drafodaeth a nodwyd/cytunwyd ar y prif bwyntiau canlynol.

- Pwysleisiwyd bod y mapiau'n ddrafft cychwynnol ac mae angen ychwanegu un neu ddwy haen i'r model o hyd. Bydd yr haenau nad oedd modd eu rhoi ar y drafft cyfredol am resymau ymarferol, yn effeithio'n sylweddol ar y map cyfansawdd terfynol;
- Mae parthau byffer wedi cael eu gosod o ffin allanol y defnyddiau/dynodiadau tir amrywiol yn hytrach na phwynt canolog;
- Bydd unrhyw newidiadau i'r parthau byffer yn effeithio ar y map cyfansawdd;
- **Cytunwyd** bod angen mireinio'r meini prawf ymhellach;

- Nodwyd bod cyfeiriadau drwy gydol yr adroddiad at ardaloedd “addas” ar gyfer tirlenwi. Yn y bôn mae hyn yn anghywir ac mae’n bosib y bydd yn arwain at gamddehongli. Mae’n fwy defnyddiol yn y cam hwn i gyfeirio at ardaloedd nad ydynt yn briodol. Dylai’r adroddiad gyfeirio at “ardaloedd na fyddant yn cael eu chwilio”. **Cytunwyd. Gweithredu:** ML
- Nodwyd y bydd Grŵp y Swyddogion Trefol yn cwblhau adroddiad ar ofynion isadeiledd y rhanbarth erbyn dechrau mis Medi. Dylid bwydo’r adroddiad hwn i mewn i’r broses cyn gynted â phosib. **Cytunwyd.**
- Wrth gyflwyno’r adroddiad ‘cam cyntaf’ i’r Aelodau, dylid pwysleisio mai drafft cyntaf ydyw a bod angen gwaith pellach;
- Er mwyn symud ymhellach bydd gofyn i’r GTRh roi pwys i’r meini prawf (h.y. blaenoriaethu’r meini prawf o ran pwysigrwydd);
- O ran amserlen ymgorffori gwaith o’r fath ym mharatodau’r CDU, cadarnhaodd SM mai goblygiadau yr Adendwm terfynol ‘a gytunwyd’ yn unig y dylid ei ystyried; a
- Chadarnhaodd ML bod AA wedi ymrwymo i gwblhau’r cam cyntaf yn unig. Bydd angen cynnal trafodaethau rhwng AA, LICC a Chastell-nedd Port Talbot er mwyn llunio barn ar symud ymlaen i’r cam nesaf a sut bydd y fath waith yn cael ei ariannu/adnoddu.

#### 4. **Diweddariad ar gynrychiolwyr y Fforwm Aelodau**

Adroddwyd fel a ganlyn:

Cyngor Bwrdeistref Sirol Pen-y-Bont:	Dim newid.
Cyngor Sir Caerfyrddin:	Dim newid.
CS Penfro / APCAP:	Dim newid.
Dinas a Sir Abertawe:	Bydd y Cyng. John Hague yn cymryd lleoedd y Cyng. D I E Jones a’r Cyng Byron Owen.
Cyngor Sir Ceredigion:	I’w gadarnhau.

#### 5. **Dyddiad y Cyfarfod Nesaf**

Cytunwyd y dylid cynnal y cyfarfod nesaf ar ddydd Iau 16<sup>eg</sup> Medi.

#### 6. **Unrhyw Fater Arall**

Adroddodd CM bod CBS Castell-nedd Port Talbot wedi derbyn llythyr gan breswlydd lleol ynghylch y broses gynllunio Gwastraff Rhanbarthol. Mae un mater a godwyd yn cwestiynu sail statudol LICC i greu rhanbarthau yng Nghymru ac mae wedi gofyn am gadarnhad ynghylch sail ddeddfwriaethol y penderfyniad hwn.

Cadarnhaodd SM y dylid cynghori’r preswlydd lleol i ysgrifennu’n uniongyrchol at Kay Powell yn LICC. **Gweithredu:** CM.

Cadarnhaodd SM bod y Contract Grant Gwastraff wedi cael ei gwblhau bellach. Yr unig beth sy’n weddill yw i Gastell-nedd Port Talbot lofnodi’r contract yn ffurfiol. **Gweithredu:** GW.

O ran yr ymarfer mapio GIS mae AA wedi ymrwymo i gwblhau’r cam cyntaf hwn yn unig. Gofynnodd SM am gyfarfod i drafod y posibilrwydd o ariannu gwaith parhaus ar gyfer y rhanbarth De-orllewinol a gweithredu ymarfer tebyg ar gyfer y ddau ranbarth arall yng Nghymru. **Cytunwyd. Gweithredu:** SM / ML.